



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ Ո Ր Ո Շ ՈՒ Մ

15 մայիսի 2025 թվականի N 601 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2007 ԹՎԱԿԱՆԻ ՄԱՐՏԻ 7-Ի N 384-Ն ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2023 ԹՎԱԿԱՆԻ ՀՈՒՆԻՍԻ 20-Ի N 1219-Ն ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» օրենքի 33-րդ և 34-րդ հոդվածների պահանջները՝ Հայաստանի Հանրապետության կառավարությունը
ո ր ո շ ու մ է.

1. Հայաստանի Հանրապետության կառավարության 2007 թվականի մարտի 7-ի «Հայաստանի Հանրապետության պաշտպանության նախարարության համակարգի զինծառայողների բնակարանային ապահովության մասին» N 384-Ն որոշման 1-ին կետով հաստատված հավելվածում՝

- 1) 6-րդ կետի 5-րդ ենթակետում «՝ տեղեկանք Կադաստրի կոմիտեի կողմից՝ բնակարանի կամ բնակելի տան տիրապետման ձևի մասին» բառերը փոխարինել «սեփականության իրավունքը հավաստող այլ փաստաթղթի պատճենը» բառերով.
- 2) ուժը կորցրած ճանաչել 6-րդ կետի 7-րդ ենթակետը.
- 3) լրացնել հետևյալ բովանդակությամբ նոր՝ 6.1-ին կետով.

«6.1. Բնակարանային պայմանների բարելավման կարիք ունեցող զինծառայողների բնակարանային հաշվառման նպատակով զինծառայողի և օրենքով սահմանված նրա ընտանիքի անդամների անվամբ Հայաստանի Հանրապետության տարածքում սեփականության իրավունքով բնակելի տարածության առկայության կամ այդպիսին չլինելու մասին, ինչպես նաև զինծառայողի և նրա ընտանիքի անդամների անվամբ վերջին 5 տարիների ընթացքում Հայաստանի Հանրապետության տարածքում սեփականության իրավունքով բնակելի տարածության օտարման վերաբերյալ անհրաժեշտ տեղեկատվությունը սույն կարգի 1-ին կետում նշված համապատասխան մարմինը Կադաստրի կոմիտեից ստանում է Հայաստանի Հանրապետության կառավարության սահմանած կարգով՝ էլեկտրոնային համակարգերի փոխգործելիության միջոցով: Սույն կարգի 1-ին կետում նշված համապատասխան մարմնի կողմից սույն կետով սահմանված տեղեկատվությունը ձեռք բերվելուց հետո 2 աշխատանքային օրվա ընթացքում այն թղթային տարբերակով՝ առձեռն, ներկայացվում է զինծառայողին, որն անմիջապես գրավոր ձևով հավաստում է, որ այդ տեղեկատվության հետ համաձայն է, և այն համապատասխանում է իրականությանը: Զինծառայողի կողմից տեղեկատվության վերաբերյալ գրավոր ձևով անհամաձայնություն հայտնվելու դեպքում սույն կարգի 1-ին կետում նշված համապատասխան մարմինն իրավասու է 2 աշխատանքային օրվա ընթացքում դիմել Կադաստրի կոմիտե՝ տեղեկատվության հստակեցման նպատակով:».

4) ուժը կորցրած ճանաչել 15-րդ կետի 6-րդ ենթակետը.

5) լրացնել հետևյալ բովանդակությամբ նոր՝ 15.2-րդ կետով.

«15.2. Զինծառայողին և նրա ընտանիքի անդամներին սեփականության իրավունքով բնակարան կամ տնամերձ հողամաս տրամադրելու նպատակով զինծառայողի և նրա ընտանիքի անդամների անվամբ Հայաստանի Հանրապետության տարածքում սեփականության առկայության վերաբերյալ անհրաժեշտ տեղեկատվությունը սույն կարգի 1-ին կետում նշված համապատասխան մարմինը Կադաստրի կոմիտեից ստանում է Հայաստանի Հանրապետության կառավարության սահմանած կարգով՝ էլեկտրոնային համակարգերի փոխգործելիության միջոցով: Սույն

կարգի 1-ին կետում նշված համապատասխան մարմնի կողմից սույն կետով սահմանված տեղեկատվությունը ձեռք բերվելուց հետո 2 աշխատանքային օրվա ընթացքում այն թղթային տարբերակով՝ առձեռն, ներկայացվում է գինձառայողի հաստատմանը, որն անմիջապես գրավոր ձևով հավաստում է, որ այդ տեղեկատվության հետ համաձայն է, և այն համապատասխանում է իրականությանը: Զինձառայողի կողմից տեղեկատվության վերաբերյալ գրավոր ձևով անհամաձայնություն հայտնվելու դեպքում սույն կարգի 1-ին կետում նշված համապատասխան մարմինն իրավասու է 2 աշխատանքային օրվա ընթացքում դիմել Կադաստրի կոմիտե՝ տեղեկատվության հստակեցման նպատակով:»:

2. Հայաստանի Հանրապետության կառավարության 2023 թվականի հուլիսի 20-ի «Ծառայության վայրում ծառայողական բնակարանով չապահովվելու դեպքում պայմանագրային գինձառայողներին ամսական դրամական հատուցում վճարելու կարգը և չափերը սահմանելու, ինչպես նաև Հայաստանի Հանրապետության կառավարության 2018 թվականի նոյեմբերի 22-ի N 1321-Ն որոշումն ուժը կորցրած ճանաչելու մասին» N 1219-Ն որոշման 1-ին կետով սահմանված հավելվածում՝

1) լրացնել հետևյալ բովանդակությամբ նոր՝ 5.1-ին կետով.

«5.1. Սույն կարգի 5-րդ կետի 1-ին և 3-րդ ենթակետերով սահմանված պայմանների առկայության վերաբերյալ անհրաժեշտ տեղեկատվությունը սույն կարգի 2-րդ կետի 1-ին ենթակետում նշված համապատասխան մարմինները Կադաստրի կոմիտեից ստանում են Հայաստանի Հանրապետության կառավարության սահմանած կարգով՝ էլեկտրոնային համակարգերի փոխգործելիության միջոցով: Սույն կարգի 2-րդ կետի 1-ին ենթակետում նշված համապատասխան մարմինների կողմից սույն կետով սահմանված տեղեկատվությունը ձեռք բերվելուց հետո 2 աշխատանքային օրվա ընթացքում այն թղթային տարբերակով՝ առձեռն, ներկայացվում է շահառուին, որն անմիջապես գրավոր ձևով հավաստում է, որ այդ տեղեկատվության հետ համաձայն է, և այն համապատասխանում է իրականությանը: Շահառուի կողմից տեղեկատվության վերաբերյալ գրավոր ձևով անհամաձայնություն

հայտնվելու դեպքում սույն կարգի 2-րդ կետի 1-ին ենթակետում նշված համապատասխան մարմիններն իրավասու են 2 աշխատանքային օրվա ընթացքում դիմել Կադաստրի կոմիտե՝ տեղեկատվության հստակեցման նպատակով:».

2) ուժը կորցրած ճանաչել 6-րդ կետի 3-րդ ենթակետը.

3) 11-րդ կետը շարադրել հետևյալ խմբագրությամբ.

«11. Սույն կարգի 5-րդ կետի 1-ին կամ 3-րդ ենթակետերով սահմանված պայմանների առկայության դեպքերում ամսական դրամական հատուցում ստանալու դիմումը մերժվում կամ ամսական դրամական հատուցման վճարումը դադարեցվում է: Սույն կարգի 5-րդ կետի 1-ին կամ 3-րդ ենթակետերով նախատեսված հանգամանքների առկայության դեպքում այդ հանգամանքների ծագման օրվանից մինչև սույն կարգի 2-րդ կետի 1-ին ենթակետում նշված համապատասխան մարմինների կողմից սույն կարգի 5.1-ին կետով սահմանված կարգով Կադաստրի կոմիտեից անհրաժեշտ տեղեկատվությունն ստանալու օրը շահառուին վճարված ամսական դրամական հատուցման գումարները ենթակա են վերադարձման՝ Հայաստանի Հանրապետության քաղաքացիական օրենսգրքի 1092-րդ հոդվածի պահանջներին համապատասխան: Սույն կետի համաձայն՝ ամսական դրամական հատուցում ստանալու դիմումը մերժելու կամ ամսական դրամական հատուցման վճարումը դադարեցնելու վերաբերյալ 3-օրյա ժամկետում փոստային ծառայության միջոցով ծանուցվում է համապատասխանաբար դիմումատուին կամ շահառուին, ինչպես նաև վերջինիս առաջարկվում է մեկամսյա ժամկետում՝ միանվագ, կամ շահառուի ցանկությամբ՝ 12 ամիսը չգերազանցող ժամանակացույցով, մասերով վերադարձնել վճարված ամսական դրամական հատուցման ընդհանուր գումարը, որից շահառուի հրաժարվելու դեպքում այդ գումարի վերադարձն իրականացվում է դատական կարգով:»:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱԴԵՏ

Մ. ԳՐԻԳՈՐՅԱՆ

Երևան